



Na osnovu člana 17. stav 2. i člana 44. stav 1. Zakona o Visokom sudskom i tužilačkom vijeću Bosne i Hercegovine („Službeni glasnik Bosne i Hercegovine“, br. 25/04, 93/05, 48/07 i 15/08), a u vezi sa članom 61. Poslovnika Visokog sudskog i tužilačkog vijeća Bosne i Hercegovine („Službeni glasnik Bosne i Hercegovine“, br. 55/13, 96/13, 46/14, 61/14, 78/14, 27/15, 46/15, 93/16, 48/17, 88/17, 41/18, 64/18, 12/21, 26/21, 35/21, 68/21 i 1/22), Visoko sudsko i tužilačko vijeće Bosne i Hercegovine je na sjednici održanoj 13.04.2023. godine, donijelo

O D L U K U o imenovanju tužioca u Tužilaštvo Bosne i Hercegovine

- I. Za tužioca Tužilaštva Bosne i Hercegovine imenuje se **Čosić Nedim**.
- II. Imenovani stupa na dužnost 08.05.2023. godine.
- III. Ova odluka stupa na snagu danom donošenja i objavljuje se na internet stranici Vijeća.

O b r a z l o ž e n j e

Visoko sudsko i tužilačko vijeće Bosne i Hercegovine (u daljem tekstu: Vijeće) je dana 04.05.2022. godine, objavilo javni konkurs, broj: 04-07-3-1614-1/2021, kojim su, između ostalih pozicija, oglašene i tri (3) pozicije tužioca u Tužilaštvo Bosne i Hercegovine.

Nakon provedene konkursne procedure, nadležno podvijeće je izvršilo finalno rangiranje kandidata, te je Vijeću dostavilo rang listu kandidata sa obrazloženim prijedlogom za postupanje.

Razmatrajući zaključenu rang listu kandidata i utvrđeni broj bodova, kao rezultat ocjenjivanja svih kriterija propisanih Zakonom o Visokom sudskom i tužilačkom vijeću Bosne i Hercegovine (u daljem tekstu: Zakon o VSTV-u BiH) i Poslovnikom Visokog sudskog i tužilačkog vijeća Bosne i Hercegovine (u daljem tekstu: Poslovnik VSTV-a BiH), Vijeće je odlučilo da za jednu od tri oglašene pozicije tužioca Tužilaštva Bosne i Hercegovine imenuje kandidata pod rednim brojem 2 na rang listi, Čosić Nedima.

Vijeće je nakon ocjene stručne sposobnosti kandidata zasnovane na dosadašnjim rezultatima u karijeri, sposobnosti pravne analize, komunikativnosti i sposobnosti prezentacije, sposobnosti kandidata da odgovorno, nezavisno i nepristrasno obavlja funkciju tužioca, uzimajući u obzir, između ostalog, dosadašnje radno iskustvo kandidata, profesionalnu nepristrasnost i ugled, ponašanje van posla, edukaciju i usavršavanje, te druge aktivnosti u struci i ocjene kriterija podobnosti, ocijenilo da imenovani kandidat u potpunosti ispunjava uslove za imenovanje propisane u članu 43. Zakona o VSTV-u BiH.

Shodno navedenim kriterijima kandidat je u toku konkursne procedure ostvario ukupno 120,6 bodova od mogućih 125 bodova, čime je ostvario potreban uspjeh u smislu člana 59a. stav (1) tačka c) Poslovnika VSTV-a BiH, kako bi bio predložen i imenovan za tužioca u navedeno tužilaštvo.

U pogledu radnog iskustva kandidata, Vijeće je imalo u vidu činjenicu da imenovani kandidat od 2013. godine obavlja dužnost sudije u Općinskom sudu u Sarajevu. Prije toga, obavljao je poslove stručnog saradnika u Općinskom sudu u Sarajevu, te pripravnika, volontera u Općinskom sudu u Tuzli.

Prilikom donošenja odluke, Vijeće je imalo u vidu činjenicu da je kandidat pod rednim brojem 1 na rang listi, prethodno imenovan na jednu od tri oglašene pozicije tužioca navedenog tužilaštva.

Pored navedenog, Vijeće je vodilo računa o potrebi osiguranja adekvatne nacionalne i spolne zastupljenosti u navedenom sudu, u smislu člana 43. stav (2) Zakona o VSTV-u BiH.

Imajući u vidu sve iznesene razloge, Vijeće je odlučilo kao u izreci ove odluke.

Broj: 04-07-3-1526-1/2023

Datum: 13.04.2023. godine

